

主 編 ◎ 錢超塵
副主編 ◎ 王育林 劉 陽

北京科學技術出版社

明萬曆朝鮮內醫院活字本《素問》

(下)

《黃帝內經》版本通鑒

第一輯

主編◎錢超塵
副主編◎王育林 劉陽

明萬曆朝鮮內醫院活字本《素問》

(下)

貴州師範大學內部使用

北京科學出版社

《黃帝內經》版本通鑒

第一輯

《黃帝內經》版本通鑒·第一輯

明萬曆朝鮮內醫院活字本《素問》（下）

黃帝素問 十一

品	
書	醫家
冊數	26
冊數	14
冊數	

144
22
14-11

卷十一

惠氏署

新刊補註釋文黃帝內經素問卷之十下

○氣交變大論篇第六十九

新校正云詳此論專明氣交之變乃五運大過不及德化政令災變勝復為病之事

黃帝問曰五運更治上應天晷陰陽往復寒暑
迎隨真邪相薄內外分離六經波蕩五氣傾移
大過不及專勝兼并願言其始而有常名可得
聞乎

蒼三百六十五日四分日之一也專勝謂五
運主歲大過也兼并謂主歲之不及也常名
謂布化於大虛人身參應病之形診也○新
校正云按天元紀大論云五運相襲而皆治
之終蒼之曰周而復始又云五氣運行各終
蒼日太始天元冊文曰萬物資始五運終天

卷之十

即五運更治上
應天耆之義也

岐伯稽首再拜對曰昭乎哉問也是明道也此
上帝所貴先師傳之臣雖不敏往聞其旨

言非己心之生知備聞先
人往古受傳之遺旨也

帝曰余聞得其人不教是謂失道傳非其人慢
泄天寶余誠菲德未足以受至道然而衆子哀
其不終願夫子保於無窮流於無極余司其事
則而行之柰何

至道者非傳之難非知之艱行之艱聖人慙
念蒼生同居永壽故屈身降志請受於天師
太上貴德故後己先人苟非其人則道無虛
授黃帝欲仁慈惠遠博愛流行尊道下身極

乎黎庶乃曰余司其事則而行之也

歧伯曰請遂言之也上經曰夫道者上知天文

下知地理中知人事可以長久此之謂也

夫道者大無不包細無不入故天文地理人事咸通○新校正云詳夫道者一節與著至

教論文重

帝曰何謂也歧伯曰本氣位也位天者天文也位地者地理也通於人氣之變化者人事也故大過者先天不及者後天所謂治化而人應之也

三陰三陽司天司地以表定陰陽生化之紀是謂位天位地也五運居中司人氣之變化

故曰通於人氣也先天後天謂生化氣之後
化所主時也大過歲化先時至不及歲化後
至時

帝曰五運之化大過何如

大過謂歲氣有餘也○新校正云
詳大過五化具五常政大論中

岐伯曰歲木大過風氣流行脾土受邪

木餘故土
氣卑屈

民病飧泄食減體重煩冤腸鳴腹支滿上應歲

星

飧泄謂食不化而外出也脾虛故食減體重
煩冤腸鳴腹支滿也歲木氣大盛歲星光明
逆守星屬分皆災也○新校正云按藏氣
法時論云脾虛則腹滿腸鳴飧泄食不化

甚則忽忽善怒眩冒巔疾

凌犯大甚則遇於金故自病○新校正云按王機真藏論云肝脉大過則令人善怒忽忽眩冒巔疾為肝實而然則此病不獨木大過遇金自病肝實亦自病也

化氣不政生氣獨治雲物飛動草木不寧甚而搖落反脇痛而吐甚衝陽絕者死不治上應太白星

諸陽歲也木餘土抑故不能布政於萬物也生氣木氣也大過故獨治而生化也風不務德非分而動則大虛之中雲物飛動草木不寧動而不止金則勝之故甚則草木搖落也

脇反痛木乘土也衝陽胃脉也木氣勝而土氣乃絕故死也金復而大白逆守屬星者危也其災之發害於東方人之內應則先害於脾後復肝也書曰滿招損此其類也○新校正

正云詳此大過三代言星之例有三木與土
運先言歲鎮後言勝己之星火與金運先言
熒惑太白次言勝己之星後再言熒惑太白
水運先言辰星次言鎮星後再言辰星無見
已勝之星也

歲火大過炎暑流行金肺受邪

火不以德則邪害於金
若以德行則政和平也

民病瘧少氣欬喘血溢血泄注下嗌燥耳聾中 熱肩背熱上應熒惑星

少氣謂氣少不足以息也血泄謂泄利便血
也血溢謂血上出於七竅也注下謂水利也
中熱謂胃心中及肩背也背者胃中之府肩
故胃心中及肩背熱也火氣大盛則熒惑光
芒逆臨宿屬分皆災也○新校正云詳火感
而剋金寒熱交爭故為瘧按藏氣法時論云

膚

肺病者欬喘肺虛者少氣不能報息耳聾嗌乾

甚則胃中痛脇支滿脇痛膺背肩胛間痛兩臂

內痛

新校正云按藏氣法時論云心病者胃中痛脇支滿脇下痛膺背肩胛間痛兩臂內痛

身熱骨痛而為浸淫

火無德令縱熱害金水為復讎故火自病○新校正云按王機真藏論云心脉大過則令人身熱而膚痛為浸淫此云骨痛者誤也

收氣不行長氣獨明雨水霜寒

今詳水字當作冰

上應辰星

金氣退避火氣獨行水氣折之故雨零冰雹
及偏降霜寒而殺物也水復於火天象應之
辰星逆凌及寒災於物也占辰星者常在人
之前後三十度其災發之當至南方在人之
應則內先傷肺後反傷心○新校正云
按五常政大論雨水霜寒作雨水霜雹

上臨少陰少陽火燔燔水泉涸物焦槁

新校正云按五常政大論云赫曦之紀上徵
而收氣後又六元正紀大論云戊子戊午大
徵上臨少陰戊寅戊申大徵上臨
少陽臨者大過不及皆曰天符

病反譫妄狂越欬喘息鳴下甚血溢泄不已大 淵絕者死不治上應熒惑星

諸戊歲也戊午戊子歲少陰上臨戊寅戊申
歲少陽上臨是謂天符之歲也大淵肺脉也
火勝而金絕故死火既大過又火熱上臨雨
火相合故形斯候熒惑逆犯宿屬皆危○新

校正云詳戊辰戊戌歲上見太陽是謂大刑
運故當盛而不得盛則火化減半非大過又
非不及也

歲土太過兩濕流行腎水受邪

土無德
乃爾

民病腹痛清厥意不樂體重煩冤上應鎮星

腹痛謂大腹小腹痛也清厥謂足逆冷也意
不樂如有隱憂也土來刑水天象應之鎮星
通犯宿屬則災○新校正云按藏氣法時論
云腎病者身重腎虛者大腹小腹痛清厥意
不樂

甚則肌肉萎足萎不收行善癢脚下痛飲發中
滿食減四支不舉

卷

內經

王

王

脾主肌肉外應四支又其脉起於足中指之
端循核骨內側斜出絡肘故病如是○新校
正云按藏氣法時論云脾病者身重善肌肉
萎足不收行善癢脚下痛又王機真藏論云
脾大過則令人四支不舉

變生得位

新校正云詳大過五化獨此言變生得位者
舉一而四氣可知也又以土王時月難知故
此詳言之也

藏氣伏化氣獨治之泉涌河衍涸澤生魚風雨
大至土崩潰鱗見于陸病腹滿澹泄腸鳴反下
甚而大谿絕者死不治上應歲星

諸甲歲也得位謂季月也藏水氣也化土氣
也土化大過故水藏伏匿而化氣獨治土勝

木復故風雨大至水泉涌河渠溢乾澤生魚
濕既甚矣風又鼓之故土崩潰土崩潰謂垣
頽岸什山落地入也河溢泉涌枯澤水滋鱗
物豐盛故見于陸也大谿腎脉也土勝而水
絕故死木來折土天象逆臨加其宿屬正可
憂也○新校正云按藏氣法時論云脾虛則
腹滿腸鳴飧泄
泄食不化

歲金大過燥氣流行肝木受邪

金暴虐
乃爾

民病兩脇下少腹痛目赤痛皆瘍耳無所聞

兩脇謂兩乳下脇之下也少腹謂臍下兩傍
膠骨內也目赤謂白睛色赤也痛謂殛痛也
皆謂四際驗音檢
之本也

肅殺而甚則體重煩冤胃痛引背兩脇滿且痛